

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

Avaleraasartuut (makrelit) nunatta imartaani pisarineqartartut nunatta iluani tunisassiarineqartalersinnaaneranguniarlugu Naalackersuisut qanoq pilersaaruteqarpat?
(Anders Olsen, Siumut)

Tunngavilersuut:

Nunatsinni aalisarnerup iluani raajarniarneq qaleralinniarnertu annertuumik ingerlanneqarlutillu nunatta iluani suliffissaqartitsilluartuusut tamatta ilisimavarput.

Ukiunilu makkunani aalisakkat allat nunatta imartaani pisarineqarsinnaasut ilagaat avaleraasartuut (makrelit). Ukioq kingulleq misileraalluni aalisarnermi aalisakkat pineqartut aalisarneqarnerat iluatsilluartutut taasariaqarpoq. Iluatsilluarnerisalu aamma kinguneraa ukioq mannamut, tassalu 2014-imut misileraalluni aalisakkanik taakkunangga aalisartoqaqqinnissaa siunniunneqarluni.

Ilisimavarputtaaq ukioq mannamut misileraalluni aalisarnissamut atatillugu aalisakkat taakkua avammut tuninerini akitsuutitigit nunatta karsiata aningaasarpassuarnik isertitsissutiginnissaat missingiunneqarsimasoq. Tamanna soorunami neriulluarfigaarput iluatsittumik kinguneqarumaartoq.

Piffissami qanoq sivilisutigisumi aalisakkat taakkua nunatta imartaani aalisarluarneqarsinnaaneranguniarlugu paaserusunnarpoq maannamut misilittagaareersut tunngavigalugit Naalackersuisut nunatsinnut nunattalu inuinit pitsaanerpaamik iluaqutaalernissaat anguniarlugu qanoq pilersaaruteqarneranguniarlugu paasissallugu.

Ukiunimi makkunani nunatsinni suliffissaaleqineq annertuumik atuuppoq, taamatuttaaq suliffissat ataavartut aamma amigaataallutik. Isumaqarpungalu aalisakkat pineqartut nunatta iluani tunisassiaralugit pisinnaasuugaluarutsigit suliffissarpaalut nunap immikkoortuisa ilaanni pilersinneqakuttoorsinnaagaluartut. Uanilu assersuutigalugu tunumi nunattalu kujataani inunnillu sulilersitsisinnaaneranguniarlugu piviussunngortinneqarsinnaassagaluarpat.

Apeqquteqaatikka ullut suliffiusut qulit qaangiutsinnangit akineqarnissaat piumasarivara.